

頤
道
堂
詩
選

頤道堂詩選卷三十

錢塘 陳文述 退菴

壬辰元旦試筆書寄吳門

貞下生元應斗魁脂痕紅上綺窗梅萬家爆竹催寒去四
壁唐花送暖來地氣暗隨青律轉天光明見紫雲迴遙知
三婦晨妝竟好爲高堂獻壽杯

琴仙餉牡丹元日盛開移供香龕

國色天香百花媵美人聰慧通花性似識詩人命屬花

東野

句故遣花奴遠相贈月正元日大吉昌花亦迎春開正盛

五朶嫣紅翠欲流朝霞濃帶朝煙潤紅茶豔發玉蘭芳歲
朝圖畫交相映仙家眷屬儻如花得花顏色兼花韻令晨

旦起競晨粧幾處花枝紅入鏡所嗟遠隔碧雲端無從帶
露鬢雙鬢惜花心事怯餘寒金鑪暖解甦花病點染燕支
畫一枝意取宜春伴春勝元宵佳節達吳門屠蘇更爲高
堂慶此花伴我小華胥道程寶則今年進移供飛仙古佛
旁散花緣向拈花證根株得氣鄂跏含佛家脩性仙脩命
維摩丈室篆煙疑我對花枝還入定

長春觀訪悟元子所著書

桐城劉一明所著道書甚富聞貯武昌長春觀屬
刻工梅春華渡江訪之

長春仙觀列仙居人說仙翁舊石渠三教君能參泰始百
家我欲訪虞初畫前有易原非易悟後無書卽是書來乞

語言文字讀未須粉碎話空虛

輯道藏精語爲道原錄

一編墨瀋伴臨池瓊蕊黃芽絕妙詞佛果欲脩無量壽世
緣須懺有情癡玉天花海皆前夢金蓋華陽是我師脫屣
紅塵非易事下場傀儡尙牽絲

吳生寶雲希伯兄弟移樽小集青鸞閣

苦無奇字識雲雷勞爾元亭載酒來煙外梅花橫玉筵燈
前蓮子勸金杯不辭漢上仍羈旅省識延陵有逸才今夕
爲君歡盡醉擁裘酣臥讀書堆

黃鶴樓題壁

黃鶴仙人去不還滿天鴻雁下江關身原可隱名難隱心

縱能閒事未閒芳樹西橫懷蜀棧白雲南望見吳山篋中
賴有金丹訣眞緣無煩造葢寰

劉默園觀察招同呂月滄司馬璜黃柱坪大令兆台

集仙棗亭聽李少伯羽士彈琴

縹緲虛窗八面開主賓高譙此登臺樹攀園客亭前棗花
放江城篴裏梅九派晴川歸海去萬峰霽色送春來東山
知有蒼生念且爲芳期酌一杯

呂翁瀟灑方歸里黃老精神解引年江漢相逢多舊識湖
山重話亦前緣兩君會
官浙江心期翔鶴來高閣目送飛鴻入遠

天深喜西冷狂道士玉琴更爲奏冰絃

和作

洪洞
劉肇紳 默園

滿地飛鴻倦眼開東風一例上春臺江迴波影涵芳草
鶴引詩情動落梅老筆遠從天外擲新吟真自畫中來
幾回展卷臨風讀擬喚青蓮共舉杯

草草杯盤觴舊雨英英懷抱憶當年東山再出蒼生願
南國重逢白首緣漸覺遠煙沉楚岫不知春草動吳天
漫勞百尺樓頭望慚愧劉生白撫絃

贈李少白羽士

羽帔翩翩稱五銖梅同清瘦鶴同臞頻年仙棗亭前住曾
有仙人贈棗無

高樓同倚八窗開江水東流去不回閒話樓頭兩黃鶴費
仙去後呂仙來

朝朝黃素寫黃庭我亦金丹學鍊形君是瑤壇仙弟子得
閒來與話丹經

葛陽西頭我卜居湖山終日狎樵漁故鄉大可容仙隱何

不西冷返舊廬

少白杭
州人

琴韻泠泠響碧蘿樵歌聽罷聽漁歌屬君莫鼓平沙雁中
澤哀鴻苦太多

胎仙振羽自風華三疊琴心響落霞莫向樓頭橫玉筵江
城春色正梅花

題默園觀察灘上載書圖

灘樹雲濛濛灘水石齒齒下灘復上灘灘行幾千里
一舟灘上橫舟中遠行客一見灘樹青再見灘月白

楚灘戒篙師粵灘詠瀧吏江湖行路難中有孤兒淚
翦燭談前事秋風感鴈聲高齋聽夜雨最憶武昌城

題周采巖畫空同問道圖

五千年上脩仙史第一空同廣成子道成無事臥空山
參透古來長不死黃帝區畫分九州元女下教平蚩尤畏神
服教三百載齋心問道來茲邱昏昏默默藏道要杳杳冥
冥傳道妙神能守形乃長生此中有欲觀其竅封固土釜
生黃芽荆山鑄鼎鍊丹砂神龍下迎帝乃去乘之飛上太
清家君不見岱陰環道黃華洞玉女七人跨綵鳳第一元
君數碧霞五花崖畔森雲棟又不見空同山巔兩元鶴游
戲青冥翔碧落鶴雛幾輩鶴壽長千秋萬歲棲雲壑

自題紫鸞笙譜

青鸞閣下紫鸞笙半寫閒愁半寫情
樂府尙畱平調曲仙家原有步虛聲
夢回瑤島春雲碧涼入縵山夜月明何似
高樓黃鶴筵梅花吹落滿江城

王竹嶼都轉鳳生奉

命督治江隄重至楚中相遇漢上卽送至荊州

春帆真似仙人鶴重過仙人舊日廬
曾與桓寬論鹽鐵又從賈讓策河渠
荒原蘆梗仍棲雁新漲桃花欲上魚
不惜勤勞報知己功成早爲踐耕漁

異書我未借荊州江路何能識
阻脩巫峽浪原兼地湧洞庭水更拍天浮
也知漢沔多歧路聞道蘄黃在下游
欲向

渚宮譚往事
枚回新漲有荒洲
密金洲古枚回洲也在荊州對岸新淤日漲荊岸受

通籌保障者所宜加意

南掌國貢象歌

道光天子雲霄上海內太平
今有象白牙十二立丹墀
爐煙香繞含元仗
星精燦爛瑤光開
南掌國中馴象來
遠從滇南至薊北
不數天馬龍之媒
道出東南江漢路
士女傾城看象去
象奴叱象如叱牛
鳴作春雷噴作霧
我昔寓居雲繪園
象房近在順城門
玉河洗象年年看
蹴踏蛟宮碧浪翻
自別春明三十載
輦下故人餘幾輩
又見南交遣使臣
笳鼓殷闐喧小隊
卽今方略正籌邊
征西諸將多英賢
安集延歸散罕服
功臣皆合圖
凌煙萬里烽煙銷
貢市安

邊長策應如此玉關金葉表文來會見西戎貢獅子

楚南江華猶警送盧厚山制府南征並寄吳荷屋中

丞永州

裘帶蕭閒夜閣清指揮如意賦南征休言白虎畱餘孽且
爲黃龍理舊盟壯士長榆方出塞將軍細柳定連營衡雲
正作深宵雨綠滿湘江好洗兵

回首春明酒一卮華顛都已鬢絲絲燈前正讀籌邊策卷
裏方吟感舊詩苜蓿曉煙嘶戰馬櫻桃細雨濕征旗和衷
早奏擒渠略正是

深宮盱食時

論道十首示姪孫寶渠

脩性不脩命其流爲枯禪脩命不脩性究亦爲頑仙性命

須雙脩佛老卽聖賢大學格致後中庸位育前吾家希夷

翁太極圖先天

文王周孔以人事發明易道皆易之後天也希夷太極圖及三尼醫世說所列乾坤

姤復十二卦陰陽消長深合先天之旨

學佛先學仙吾與子言道道本無所名其言始黃老大要

精氣神人身此三寶進退子逮午沐浴酉與卯還丹妙用

逆還精以補腦

順則成人逆則成仙故謂之還丹也

昔者廣成子空同臥杳冥黃帝親聞道下風攄中誠清淨

屏思慮庶幾神守形慎內而閉外此中有長生殺機與盜

機更有陰符經

莊子於廣成告黃帝之言實爲萬古道要卽老子道德清淨諸經所本也陰符經亦

黃帝作盜賊殺諸語後人借以作惡字亦如逆則成仙之逆不當作悖逆解

紫氣從東來關尹乞著書道德五千言其中有精粗不如
清淨經言要理不誣定觀與護命經髓扶玉樞猶龍聖所
歎道實先乎儒道德經雖老子所作然兼治身處世而言
古諸經之簡要諸經亦皆太上作也

東漢魏伯陽始作參同契爐鼎與交媾隱語示此例後世
邪僻徒曲說以媚世三千六百門所言無一是平叔作悟
真金丹四百字

古人語多晦後人語較顯前代諸度師立說甚明淺蕪詞
一掃空理簡言亦簡智者可以悟愚者可以勉流傳數卷
書都從儒理闢

前年居漢上道言求賈市已丑得性命圭旨於漢上舊年居廣陵秘笈

乞開士

庚寅得仙佛合宗於揚州僧曙開

今年過皖城得書乃更美

辛卯得金

仙證論慧命經於皖城

仙佛二而一與儒共宗旨可以通天人可以

了生死

得訣好看書書中訣皆合陰陽遞升降乾坤互開闢無非神馭氣呼吸資吐納心是神之舍方寸靈山塔一言以蔽之身外無丹法

天有黃赤道人有任督脈一氣相循環日進日有益茹復驗消長妙悟羲皇易周天分大小金液與玉液一靜萬緣空卽是金丹訣

汝年弱冠強聞道亦未久期月已築基夙根定非偶金蓋

我師傳

謂閔顯雲先生

汝已得八九勿助與勿忘莫曠庚申守要

言不在多明星長對斗如來受道法於阿私陀故曰金仙後乃成佛教外別傳即仙道也佛之學道以明星對斗起手斗者丹田對者返觀明星者丹田之氣發見也所言與太乙唱道真言呂祖金華宗旨相合

魏宮銅鴨爐詩

腹有方印文曰銅雀東閣殆魏宮物也有人得之漳河土中白舫書來乞詩

漳河流水日東瀉銅雀臺傾廢殘瓦豈識當年舊鑄銅埋香又出漳河野漳河之野古鄴都漢家火德銷當塗阿瞞老去事聲色臺上暖擁熏香爐捧爐應有如花女深鎖花枝花解語東閣何人貌最芳或是盧姬好眉嫵吁嗟乎袁家新婦歸五官洛神羅襪空珊珊沉沙折戟任磨洗二喬

縹緲如雙鸞睡鳬抱煙飄不起歌吹無聲箏篴死多少分
香舊玉顏都化西陵土花紫何處山河半夕陽摩挲銅狄
感興亡英雄身世勞憑弔撥句還添一寸香

送竇渠入蜀

送爾巫山去輕帆發棹歌不愁微雨濕差喜順風多入峽
須牢記逢灘莫遲過歸帆吾亦挂各自順風波

方餘菴太守

長慶

奉調楚南軍營詩以送之並寄嚴

麗生大令衡山

聞君遠道去從戎五馬前驅一馬馳報

國兼之報知己立名須要立奇功韋平世業當如是韓范
勛勞在此中儻見嚴維定相識一尊草檄夜燈紅

已見

朝廷遣重臣更煩元老靖風塵連烽萬幕開平楚大將長
刀鑄定秦地理須知藤峽險士心宜共柳營春高堂未老
休相憶勉爲儲胥盡苦辛

將歸吳門留示寶之

我歸畱爾住此意頗躊躇所幸逢良友

謂寶之希伯

應知慰夙

居待人休性執處事要心虛蜀道兼吳地殷勤爲寄書

花朝登舟留別送者

百花生日說今朝二月春陰話昨宵楚樹生香曾繫纜漢
江細雨尙停橈關心朋舊仍三峽轉眼雲山漸六朝回首
瀟湘湖上雁暮雲無際碧天遙

田家鎮詠田家

細雨濛邊柳漸芽夕陽屋角杏初花征帆急似將歸雁游
子心如返哺鴉叱犢村莊理蓑笠啼鳩門巷話桑麻春來
最憶田家事愛惜春光玩物華

潯陽曉泊望廬山積雪

篷底春寒擁敝裘匡廬翠色落扁舟三仙洞裏猶青鬢五
老雲中任白頭萬樹松陰開雪霽千巖瀑水帶花流題詩
笑與山靈約未得清游且夢游

廬山仙跡詩

度索君

度索君著白布單衣冠高冠似魚頭常謂南海君曰昔廬山共食白李未久已三千

年矣

當年度索君高冠岌魚尾亦如展上公華陽食白李忽忽
三千年滄桑乃如此

老聃

方輔匡俗兄弟從老子脩道皆在茲山

老子道家祖前世爲廣成晦跡商周間亦向茲山行山中
何所有日月石上生

大禹

廬山卽禹貢敷淺原也紫霄峯下石室禹書今存洪荒濛余乃櫛六字禹王崖在大漢陽

峯

道書禹爲水官

又爲紫府真人

玉書受雲華萬靈役天篆殘碑在石室洪荒余乃櫛言登
漢陽峯荒原度敷淺

方輔

周武王時方輔從老聃跨白驢入山煉丹得道仙去惟故廬存故名廬山

方輔從老聃周初曾至此同跨白驢行故廬有遺趾望氣

乞著書何如關尹子

匡俗

亦名續字子孝弟兄七人隱居商周之際師事老聃及劉越脩煉七百餘載皆仙去故廬

山亦名匡廬漢武南巡封南極大明公

匡君七兄弟一一盡仙才仙去廬猶在仙人幾輩來何須

滄海上清淺話蓬萊

劉越

匡俗師也嘗語康阜云山陰有石高三丈者吾宅也飲以玉酒延生保命湯

同爲匡君師應與老聃友巨石是吾宅曾以語康阜延生

保命湯一尊飲玉酒

楚康王

名昭共王子問周靈王因子晉而登眞遂棄國遁廬山遇異人半國生授道長生位

躋解脫眞人所居名康王谷水簾高三百五十丈爲天下第一

君王心慕道鸞鶴共高情遂得長生術仙人半國生至今

空谷水簾影尙分明

唐健威李德父朱刁雲

三人皆秦時武士棲耶舍山求仙一夕雷雨成溪得

一石有神化靈溪玉簡標題真人受錄玉淵潛棲十六字今爲三將軍洞

避世求神仙英雄之退步秦時三將軍曾向此中住玉簡

今有無洞門隔煙樹

漢武帝

羽章館在屏風壘漢武帝幸九江所築武帝好道西王母上元夫人降集靈臺親授

道要茂陵金盃終出人間帝王而神仙者當屈一指

當年漢武帝訪道此山中屏風深幾疊中有羽章宮西母

瑤池上桃花幾度紅

漢時老人

居上霄峯巖下武帝南巡詔之仕對曰堯仁如天孤雲自飛一水一石臣之樂

也束身王朝其如北山之雲何

老人何姓氏不與世間間言辭鸞鳳詔去隨猿鶴羣上霄
峯下住長對北山雲

劉綱劉仙官壇在蓮花峯下仙官綱也

金庭古樊榭人識舊仙官峯影蓮花靜仙官尚有壇雲翹
去何處襄漢下青鸞

董奉字君異三國吳時閩侯官人有道術爲人治病愈者種杏以酬般若蓮花二峯下皆有杏林遺跡

董公棲隱處云在此山陰妙術能醫世高名垂至今雙峯
過春雨紅杏自成林

葛洪洪井山爲香爐峯南支有丹井相傳葛稚川煉丹於此

稚川靈跡多茲山有丹井北望香爐峯青天玩雲影吾鄉

初陽臺亦有寶雲嶺

許遜吳猛

王敦謀逆害郭璞許遜吳猛止之不可擲杯化鶴隱形而去至江上以雨龍挾

舟至廬山紫霄峯舟人窺龍龍怒委舟去今峯下鴈底池其遺跡也遜鍊丹處在雲屏峯猛遇老人

飲以玉杯甘露在三石梁

一鶴隨杯化雙龍挾艦行奸雄方盛氣對此亦心驚鴈底池猶在寒波澈底清

石梁老人

晉咸康中吳猛將弟子游山過三石梁遇老人坐桂樹下飲以玉杯甘露正字

金房數十人若與相識爲設玉膏弟子竊一寶歸梁卽化如指細猛使還寶梁乃復舊

老人不知名玉杯酌甘露花閒設玉膏仙人不知數石梁

依舊橫金房渺何處

王羲之

歸宗寺在金輪峯下王羲之守潯陽解郡居於此達摩多羅請宅爲寺佛駐耶舍

繼居之有洗墨池
望月臺驚池諸跡

羲之守潯陽解郡偶居此驚池與墨池中有晉時水豈獨

會稽山蘭亭重書史

陸脩靜

晉人得楊許所書真訣成道宋武帝封簡寂先生明帝賜道書圖符千二百卷召至

建業封丹元真人今簡寂觀存

焉禮斗石聽松亭皆在觀內

道書千二百拜賜兼圖符淵源在真誥中有楊許書至今

簡寂觀松石涵清虛

陶淵明

淵明居栗里在柴桑橋側嘗從慧遠入白蓮社三笑亭遠公送淵明及陸脩靜過虎

溪也

國朝金蓋龍門律師陶太定爲先生三十九世孫夢先生示期而化見金蓋心鏡

淵明居栗里曾入白蓮社送客過虎溪遠公興瀟灑至今

三笑亭遺趾東林下

翟法賜

翟湯孫燭子居廬頂石室
辟穀衣草因徵聘遠遁

衣草與辟穀此豈世俗人廬頂有石室高臥謝紅塵入山
不厭深極目山中雲

九天採訪使者

唐明皇夢朱衣人曰我採訪使者
可館我於廬山西北隅因敕建祠

御書曰九天採訪
之殿今太平宮也

選仙如選佛爭禮玉皇前採訪仙官職雲旗下九天青山
森玉殿碑字勒唐年

張果

鉢孟峯石上有孔如驢
蹄相傳爲張果驢跡

仙人騎紙驢驢足穴山石仙去驢亦去石上賸驢跡王屋
有仙莊隔斷白雲白

葉法善

法善居廬山清溪庵有道術明皇贈以詩
曰清溪道士人不識上天下天鶴一隻洞

門深鎖白雲閒滴
露研朱點周易

先生棲隱處門對古清溪
研朱讀周易妙悟證端倪
寥天一隻鶴飛過萬峯西

李太白

太白結廬五老峯爲永王璘所迫不忍去
指山日期君再會不敢寒盟丹崖翠壑尙

其鑑之

書堂而蒼翠高臥興悠哉
一墮紅塵去官袍不復回
知因戀猿鶴嘯月夜歸來

茅安道

廬山道士曾授二弟子以隱形洞視之術
爲韓滉所執二弟子化鼠安道化鳶攫之

飛去

弟子幻二鼠先生化一鳶
一鳶攫二鼠飛入泐寥天
回首天池瀑石梁橫暮煙

苦竹先生

先生居廬山純陽始從學道傳日月台并法後從雲房亦先生所示

純陽初學道山中師苦竹日月交并法此中有沐浴授記

示雲房丹訣傳真籙

呂洞賓先生

先生唐宗室名瓊字伯玉娶金氏子四日甘美豐節宰德化值世亂乃棄

官入廬山從苦竹先生學道今甘棠湖煙水亭有仙令祠

昔現宰官身世稱李伯玉學道因棄官廬山師苦竹至今

煙水亭湖波浸寒綠

錢朗

唐南昌錢朗以五經及第仕至光祿卿後隱廬山師徐道士得補腦還元之術年百五十

歲猶少容他日忽日上清召我俄仙去異香滿室

科名與官職過眼等雲眼採藥空山去求仙定得仙上清

鸞鶴詔玉女下瑤天

顏真卿

顏家山相傳
魯公舊居

魯公抱仙骨此地卜幽居曾有仙壇記銀鈎一代書言尋

白鶴觀松月夜窗虛

白香山

香爐峯下有香山草堂元集虛隱
居相辭澗旁香山欲與卜鄰有詩

海上仙龕在何如舊草堂香爐峯下住下見古潯陽三徑

遲明月清吟玩綠楊

劉混成

唐道士居白鶴觀在硤砂峯有煉丹井搗
藥臼東坡聽基賦詩卽此後居木瓜洞種

木瓜爲食

泛舟仙去

松高白鶴眠空山養吾素深院寂無人東坡聽基處寒畦

種木瓜仙成泛舟去

熊得融

唐人初於九疑山遇真人得
道後隱廬山咸通二年坐逝

君從九疑來道亦九疑得傳道者何人姓名人不識終從
匡君遊籊聲停鶴翼

許堅

唐末人居簡寂觀仙去有度仙橋煉丹井搗藥白曬衣石陳希夷遊觀受易經心法於異

人或云
卽堅也

丹井與藥臼橋畔仙人宅楊許有真傳親授希夷易度仙
仙已去猶存曬衣石

郝法遵

唐道士獨居簡寂觀道行精確夢元中法師授二童子後遇王氏劉氏二孩相從入

道

獨居簡寂觀終日對巖岫二子何因緣仙人夢中授亦如
曹溪派南能與北秀

史虛白

字畏名南唐入隱廬山有道術元宗召至便殿醉溺殿上伴爲疎野賜田遣歸伍喬

嘗有詩
贈之

朱門若蓬草金殿等蒲溷放歸落星湖青嶂數峯近夜深
山月來石樓響琴韻

譚峭

字紫霄日角有吉字初爲玉笥道士封正一先生後居棲隱洞南唐後主賜號金門羽客

嘗著化書託齊邱作序邱竊其書醉以酒以革囊沈之江漁者獲之解囊薊醉方醒

玉笥狂道士金門新羽客水底容醉眠聊以破詭譎焚香
讀化書彷彿陶貞白

陳希夷先生

華山處士希夷先生以儒入道嘗游簡寂觀遇許堅受易經心法楊許所

錄道家眞傳濂溪太極圖說所本宋儒之學均出濂溪固未可妄議也

希夷古大儒爰以儒入道儒道本同源太極宣奧窅宋儒
此鼻祖何人深探討

唐汝舟

宋臨川進士與妻張氏隱廬山衣不紉浣錢帛無所持莫測所以自度年九十上下

山險甚駛後不知所終

臨川前進士衣食無所營佳偶亦仙眷相攜採黃精偕隱入深山亦如同先生

劉庭式

蘇文忠云余昔爲密州殿中丞劉庭式爲通判謂式不貴必得道今庭式監太平觀

絕粒數年而有紫光甚喜吾言之不妄也

神仙與富貴二者難兼得往者蘇長公會語劉庭式面目有紫光道程驗寶則

黃列子

昔黃列子游獵九江見五色鹿逐跡尋穴遇神芝服而得仙今馴鹿場是其遺跡

仙鹿飯瑤草飲露掇其英逐鹿得靈芝服之得長生亦如列禦寇冷然御風行

蘇庠字養直始居西湖以屬玉詞見賞於東坡後居廬山年八十三遇羅浮黃真人與丹服之

髮白更黑目暗復明一日
燕客云黃真人至遂立化

羅浮黃野人所遇或者是所服知何丹目明髮更美我憶

後湖詞屬玉春塘水

陳景元

自稱碧虛子南城人初師韓知止繼遇張無夢授秘術著書千卷游京師神宗賜副

道籙歸廬山行李百擔皆經史二奴一曰黃精一曰枸杞馴而不狡真有道之役也

初師韓知止繼遇張無夢載書歸空山書卷壓肩重黃精

與枸杞兩僕亦殊衆

鹿裘道者杖策老人

鄂州劉德本避亂廬山遇鹿裘道者引至五老峯下見杖

策老人邀入大洞風日和煦有大宮殿榜曰紫元景曜之門曰此九天使者所治也欲見使者不可

出門均失所在

鹿裘道者古杖策老人健九天使者居可至不可見雲中
五老峯何處有宮殿

黃知微

宋元豐閒道士從崔體道受一九谷神之
道居養正堂人稱養正先生自賦黃顙歌

又有句云溪雲拂地送殘雨
谷鳥向人啼落花佳句也

雲低斜日影雨洗落花塵一覺羅浮夢何如黃野人一九
傳真訣空山養谷神

皇甫坦

字履道遇妙通真人得丹秘紹興中醫顯
仁太后目及仙韶甄娘覽還廬山居撥雲

峯下嘗歌曰山頂紅日出藥苗新欲
將心事付瑤琴知音少絃斷有誰聽

皇甫入宋宮醫術姬孫董晚歸撥雲峯甘泉隨地涌高唱
藥苗新此中有鈇汞

薛肇

宋崔字薛肇同讀書廬山字擢第經三鄉驛
逢肇邀至殿閣設譙女樂中一女笙篴上有

天際識歸舟雲中辨江樹十字後娶柳氏卽前女
筌篹字亦在焉問之曰昔夢一使言西城大仙薛
君讌客五百里內解聲音處女
四十餘人盡隨去疑華仙矣

讀書登科第何似求神仙彷彿武夷君幔亭開瓊筵一行

筌篹字聊示仙家緣

盧溫趙州人與薛肇同學廬山受道法於匡先生

薛爲清治真人盧爲沈潛真人崔宇事或作
李升柳氏或作陸長源女升字亦皆
同學溫則仙傳中所稱盧二舅也

已得匡君道還尋少室山故人約崔李高讌謝塵寰至今

盧二舅名在列仙班

桂心淵劉虛谷畢養素太平宮在老君崖舊多仙

虛谷住青牛洞及畢養素
諸人尸解坐化不可勝述

岩岩老君崖杳杳太平宮洞天與福地半在茲山中羽化

多仙人羣鶴游虛空

白玉蟾

即葛長庚瓊州人位紫清真人有丹井在老君崖太平宮有戴月游西林詩

終南啓爾派紫清亦大宗

其一邱祖長春

此閒有丹井隔斷千芙

蓉戴月遊西林飽聽東林鐘

周顛

訪仙臺在佛手巖明太祖訪周顛於此石壁竹林寺三字相傳亦顛所書

大聲告太平屢見周顛來顛書不復見此地有高臺石壁

竹林字殘墨掃寒苔

王長趙昇

廬山乃九十六福地二真人所理也

福地九十六洞天最深管理者兩真人仙雲何縹緲是否

廬山君女婉更嬌小

女婉

廬山君女也漢建安中小吏曹著爲廬山君迎至廟夫人呼女婉出見命婢瓊枝取琴促

婉鼓之婉撫琴而歌若因以女妻著頃之
著辭去婉泣然賦別以織成衫袴相貽

婉也廬山女曾婚小吏曹援琴奏清響亦似降弦超何不

乘雙鳳秦臺弄玉簫

蔡尋真

唐蔡侍郎女居觀山詠真洞道書第八洞
天也以丹藥符籙救人後仙去九江守許

渾請賜觀詔以詠真洞為尋真觀宋靖康中陳東
飲於酒樓有女子歌闌干曲云上清蔡真人法駕
導引即尋真也

尋真昔濟世丹藥更符籙小隱洞天深幾疊屏風綠法駕

上瑤京齊唱闌干曲

李騰空

李林甫女師事蔡尋真蔡居屏風疊南李
居屏北後亦仙去許渾請額詔以騰空所

居為昭德觀昭德皇后施金幣所建也
相辭淵基盤石女真潭皆兩仙遺跡

辭榮兼學道師事蔡尋真祇隔屏風疊仙山多好春詠詩

勞致謝吾亦證前因

女弟子辛瑟嫺夢騰空因賦詩謝余瑟嫺有詩紀事

李太白妻

太白有送內尋廬山女道士李騰空詩是宰相許閣師孫女味詩意常是入山

脩道也

謫仙有佳耦素志慕煙霞驂鸞入青靄親到碧仙家書堂遺趾在風掃石楠花

袁大娘

唐長慶中進士張無頗居南康將赴舉道遇女子自稱袁大娘授以暖金盒盛玉龍

膏便往治廣利王女疾王以女妻無頗女謂無頗曰此袁天罡女程先生妻也

金盒玉龍膏云治龍女疾龍女解題詩才人作靈匹靈藥

作蹇脩知君有仙術

文女眞

昇仙臺在黃龍山一名黃龍石唐廣明中有黃龍見文女眞跨以昇天女貞名慧通

晉人

女眞鸞鶴侶定力擾飛騰一角峯前石乘龍此上昇仙臺
遺趾在龍蛻絡枯藤

黎仙

黎仙祠在黎仙峯爲女眞黎仙養道處舊名翠微廟

黎仙何地女何代此昇仙或者華山女將毋謝自然翠微
遺廟在一角鎖秋煙

楊保宗

眞風觀南唐保大中爲女道士楊保宗建保宗却粒鍊形以丹藥符籙救人元宗詔

入禁賜紫衣諸嬪競施珠繡詔新其字韓熙載撰碑並載宮嬪姓氏

南唐女道士位業六宮知仙觀何年起青山玉女祠宮中
諸綵女姓氏滿瓊碑

天女

秦少游寓西湖壽星院夢天女乞維摩讚及舟泊宮庭湖神廟下夢天女贈詩云不知水

宿分風浦何似秋眠惜竹軒聞道文章妙天下廬山對面可無言

水宿分風浦秋眠惜竹軒重逢天女相再證散花禪聞道
文章妙香爐生紫煙

夜泊湖口對月

去年挂席潯陽郭曾記篷窗坐月明今夕停橈湖口縣依
然江渚月華生煙霞林壑辭廬阜星斗帆檣下皖城可惜
好山都夜過枕函吹墮遠鐘聲

小孤山

大別山前樹頻年幾度攀小孤山下水今日片帆還環佩
虛無外樓臺杳靄閒塵容不堪照惆悵鬢毛斑

馬當阻風

花信風吹春意開一花將開一風報豈識江湖行路難舟

行深苦終風暴我舟前日過潯陽一路春山作微笑輕帆
欲借馬當風水府當年有祠廟無端白浪阻橫江作序才
枯媿年少觀音泛作海潮音昨夜長風生舶艣俗稱觀音暴我
是華陽弟子行玉局前生司檢校焚香默誦多心經色空
空色叅微妙普陀宗乘禮慈航蓮臺滿月神光照知我思
親急欲歸慈悲普度憐愚孝蜚廉屏翳息狂飈船屑漸理
黃頭櫂清風一席送歸帆京口三山何日到

魚換米

斗米六百青銅錢江頭十日無米船全家生計託魚艇薄
暮網集澄潭圓蓬鬢漁娃出篷底破金吞聲燒濕葦舉網
新得雙鯉魚不乞換錢惟換米蜀客帆檣鳥道通漁家尙

苦飯籬空酒瓶寂寞無人問莫更江頭說醉翁

望江郭外正對黃山登城眺覽境極奇麗惜無好事者建樓其上書此以示邑人

望江城郭對黃山萬疊芙蓉翠可攀誰起騷壇招李杜空餘畫本待荆關閣中帝子今何在河上仙翁去不還擬仿岳陽營一角笛聲吹破酒人顏

余忠宣祠觀陶雲汀宮保書宋景濂撰忠宣本傳碑
祠廟陰森冷薜蘿穹碑突兀傍巖阿一城爭峙中流柱百
戰同揮落日戈虹氣至今蟠絕壁龍文終古壓驚波宋公
文字陶公筆長與江山共不磨

太白樓

也會低首向青蓮重向高樓問謫仙
九派江聲來檻外六朝山色到闌前
但須高詠千秋在何必狂名萬口傳
讀罷離騷吾徑去然犀亭下水連天

京口懷麗生長沙

嚴維今不見遠宦古長沙衡嶽千峯雨
湘陰一路花傳烽飛盡夜密籌捕蛇家
早唱從軍樂銛鋒淬莫邪

蘭陵道中

芳田處處濕春泥茆屋家家唱曙雞
楊柳市橋新燕語桃花村舍亂鶯啼
牧童驅犢煙橫篴簫蠶婦挑桑露濕梯
畫出江南好風景人生祇合託扶犁

自蘭陵至梁溪漸見春色

蘭陵富美酒梁溪多好山郊原靄春綠我舟行其間津市
聚人家米舶來江關此邦較安適戶衆人亦殷兒童盛衣
飾婦女高髻鬟闌干露樓角笑語開芳顏前村翳繁林漸
見歸鴉還太息行者勞何如居者閒

春風一雙鷗晚天三四雁夕陽紅半郭微波綠平堰桃花
欲舒英楊柳亦垂綫芳序漸融和平野益葱蒨雨細不霑
衣風柔頻拂面久別江南春此行喜重見來日達吳閭卸
帆應未晏尊酒奉高堂花前啓芳讌

饑民船

山桃花開新燕飛饑民船送饑民歸饑民半是江淮客江
淮積水深沒膝水深未涸二麥無高岸并少青蘼蕪饑民

船送饑民去饑民無家向何處

抵吳門

美人樓閣酒人船畫出蘇臺二月天
歸舫恰逢歸雁後落帆好趁落花前
蘼蕪深院初過雨楊柳虛堂正暮煙
惆悵江湖遠行客還家便抵小游仙

贈守性

如君應不愧姬姜紙閣蘆簾此孟光
病體參苓支大婦衰年眠食護高堂
慙孫苦懺三生孽弱女同皈一瓣香
白髮青燈眞道侶相思那得不迴腸

贈婉貞

終年憔悴過芳年似爾嬋娟亦可憐
侍奉老姑晨早起扶

持大婦夜深眠千聲梵唄惟皈依一炷香雲可告天比似
朝雲伴坡老儘多恩義在情緣

西湖醉翁詩云千里馳歸夢早歸堂前鴉報省親闌
一年未作揚州客又覺鬚眉比昔非和韻二首

歸去來兮真個歸長春花藥種庭闌北堂視膳無餘事不
管人間有是非

杜宇聲聲苦勸歸南陔花發映慈闈不須更作揚州夢五
柳先生覺昨非

贈薛心香卽書所著性命源流

仙人家世溯河東一鳳高飛集井桐曾以務魁師玉子更
從緣督覓金公派承梅島淵源後語在瑤潭問答中一卷

道程證丹訣相期元鶴禮空同

瑤潭精舍與心香話上年吳楚水災爲衆生懺悔事
並寄守豫諸子揚州

往歲東南沴言之尙苦辛江淮成澤國吳楚徧饑民骨月
拋歧路田廬問水濱割慈兒失母忍恥婦隨人難得黔敖
粥空思魯肅困蘧廬棲雨雪藁席臥星辰道殣多新鬼游
魂半比鄰烏鳶晨共語蟻蛭夜相巡儘有今生孽兼多夙
世因奢淫天意怒暴殄帝心嘆各證三曹案同歸六道輪
回頭原覺岸往事總迷津釀劫悲仙佛銷災仗鬼神平心
對天地安分荅君親皞皞康衢樂平平大道遊辦香同懺
悔煙景望回春

送松亭歸錢塘並寄嫺卿女史

三峽雲山悵阻脩五溪煙月惜勾留彩鸞書札君偏記鍊
鹿帆檣我亦愁細雨桃花開酒甕斜陽燕子識歸舟盤中
字與機中錦莫勸蕭郎更遠遊

輓王椒畦

琅嬛夜話頻移燭寒碧秋吟屢拂箋奉母人稱老萊子隱
居自愛小游仙久無行跡經吳苑賸有高名繼輞川滿目
煙雲正懷舊玉峯一角最淒然

學山園裏山如舊易畫軒中畫尙新世外煙霞無罣碍閒
來農圃有經綸放懷梅鶴林君復投老湖山賀季真畱得
荆關殘墨在一回展卷一沾巾

君爲余寫南屏讀書室庵招隱二圖

梁茝林方伯招集箴曰堂屬題目送歸鴻卷子

上年水災徧於吳楚百年僅見洪湖盛漲淮揚被災尤甚方伯屏藩吳會篤救災卹鄰之誼資送往來六十餘萬畱養者又四萬人春收漸熟次第送歸讌集之暇話及前事並出此圖索題因成古詩

一章

柳絲蘸水桃花明胥江水暖春波生高檣大艚去銜尾中有百萬歸鴻聲去年水災徧吳楚雁戶飄零泣風雨聞道江南有稻梁多少哀鴻下江潯海若乘秋作氣來嘯翻地軸轉春雷具區水漲吳淞溢新報江南幾處災濟時霖雨賢方伯方寸保民如保赤不分畛域待流亡要使飛鴻得

安集廉泉分潤徧江關各有田園勸早還六十萬人同飽
食此恩如海亦如山更餘四萬煩畱養要使春收待豐穰
一樣江淮舊部民佛心同蔭慈雲廣賢吏賢紳各有人同
心散作十分春畫師解寫賢臣意一路春旗接暮雲春郊
淑氣回芳甸箴白堂中曉開讌有客新從江上來歸帆滿
目都親見今日歸鴻真箇歸勞君極目送斜暉援琴待作
思歸引我亦江湖一雁飛

輓萬浣雲司馬

宦海蒼茫早識君肝腸如雪氣如雲忘機是處鷗爲侶解
舞依然鶴不羣本事詩中喬補闕才人傳裏杜司勛思量
三十年來事擬續吳觚紀所聞

同向韓門侍起居當年辛苦事河渠雲關楊柳春風轉禹
廟梅花夜月虛三帥 闕前同拜表

九重天上共除書詩壇酒國江南樂回首前塵感六如
辛苦衰遲轉一官百年身世雜悲歡青衫憔悴憐司馬絳
帳嬋娟問采鸞儘有賢名酬父老尙分清俸慰孤寒籀書
深喜陽冰篆四壁龍蛇墨未乾

恨我年來作楚游感君高誼重曹劉每因故里兒曹信稍
慰天涯客子愁斜日匡廬君返觀暮雲吳苑我歸舟蘭成
思舊情何極一慟西江接淚流

南田行書吳兼山別駕南田詩後

南田在浙東寧波府象山縣三面瀕海自晉迄元

稱沃壤明初湯和備倭始空其地 國初明魯王
在舟山沿海皆爭戰地故海禁甚嚴康熙二十三
年重洋平定海禁悉開南田屢有成議而未行以
胥吏焚索也然民之聚處者五千餘戶墾田至三
萬畝者百餘年矣曠土游民旣已各安其業爲大
吏者宜揆往度今上之

當寧設官府訂版籍以治之斯長策也乃因與制府不協
檄文武縱兵焚其寮刈其麥驅民轉徙又不早爲
之所使數千家失業之民轉死溝壑干天和而傷
元氣者亦已至矣事後以驅六千人入 告奉

旨詰所驅之六千人安往始議撫綏君奉檄招集流亡往

來濱海郡邑求閒田以處之斯民已僅有存者矣
哀痛之情見於紀事之作讀而感之因爲此詩

君不見南田境中五千戶但有田廬少官府桑麻雞犬盡
恬嬉久已耕桑成樂土童年愛聽說南田彷彿桃源氣淳
古官符封禁曾未開民也何知實椎魯忽聞官船渡海來
旌旆飛揚伐鉦鼓父老焚香夾道迎婦子聚觀方笑語忽
然飛礮聲喧阗小隊弓刀雄且武火龍天矯赤標來頃刻
萬家銷一炬父老驚走婦子啼竄若磨麕伏如鼠青青之
麥滿陵陂剝破不畱青一縷幕天席地滄海濱昔也何樂
今何苦我聞此地古沃野其地上腴足農圃明初徙民避
倭患 國初封禁固疆圉海不揚波逾百年海禁久開任

生聚定海設縣玉環丞隔海相望若衡宇此地耕田已三
萬徵之頗可盈倉庾丁壯計亦逾萬人編之更可充軍伍
况有婦子勤力作比戶家家解機杼祇須建官設版籍成
賦中邦任安堵奈何流毒肆焚掠驅逐倉皇任余侮可憐
生長太平時呼天無路浮雲阻假令亡命盡入海將使孫
盧增勁旅一代聲名籌國人經綸若此眞驚瞽

九重愷惻問民依到此方知疚心膺事後張皇悔已遲勞
君遠道親循拊溝壑殘黎賸幾人台山田少終何補應有
冤魂徹夜啼天和傷盡天應怒君詩沈痛似春陵語語哀
矜深肺腑奪向蛇鄉虎落中登之衽席豐禾黍雨膏深潤
樂涵濡春風廣被知和煦消弭無迹保全多足使疆臣媿

輕舉吁嗟乎儒者讀書謀出處民吾胞也物吾與高爵居
然綰珪組親之父母尊之祖所賴仁慈善安撫樂國樂郊
期得所何意終風暴如許作官終有下場時何事當權便
狂舞各有身家與兒女天道循環須記取使我千秋悵望
心幾輩龔黃幾召杜君不見南田境中五千戶我讀君詩
淚如雨

不至惠山二十年矣舟行過此因至秦園遂過第二
泉試茗小憩泉上並弔唐孝女祠

重讀名園記春陰最黯然鳥啼林影靜花落水紋圓游侶
何人在新詩幾輩傳惟餘數喬木作意長風煙

第二泉邊坐依然徹底清燕巢營廣廈魚國樂長生茶竈

煙相引蘭堂水有情風前聽天籟中有古松聲

孝女驂鸞去今餘孝女坊北宮撤環瑱南國起祠堂破屋
門楣古寒閨姓氏香名媛傳畫筆勝學綺羅妝

又與青山別青山苦戀人看花畱後約刻竹證前因碑石

新歸趙

松雪書天下第二泉字重摹泉上顧晴芬作記孫平叔書之

名園尙姓秦瓦瓶

沽酒去中有惠泉春

輓孫平叔制府

海內同聲惜此才將星一夜隕中台未酬黃閣絲綸望不
媿清肯柱石材風靜樓船鯨遠去月明華表鶴歸來少陵
野老方懷舊更爲嚴公賦八哀

玉堂風度望如仙回首前游感逝川薛稷書名雙鶴障李

程詞賦入花輶天街踏雪頻聯騎詩社停雲屢拂箋貫醉
旗亭同畫壁金龜曾解酒壚前

南溟春色怒濤平保障居然萬里城十鎮兵鈴無廢壘三
江海運有先聲琴尊自適歐公興絲竹閒陶謝傳情記得
當年舊車笠紅橋煙雨話春明

春水江南又綠波扁舟重向錫山過高吟最憶唐長慶雅
集重懷晉永和篋裏贈書灤水志壁閒題句郢人歌山林
鐘鼎都零落鏡裏秋霜鬢更皤

重至揚州呼猿洞主詩云邗上更重來香壇講席閒
文章原有骨道德不關才醉倩瑤琴和閒將玉樹栽
天宮三十六花信幾番催和韻一首

帆影渡江來重逢講席開定中生佛慧覺後悟仙才舍利
隨身種菩提到處栽六通無去住歲籥任相催

梅叔招同林小汀及令子小仲放舟自傍花村至紅
橋西岸園亭半歸零落感而賦之

林亭依舊枕河干樹壓危樓薜臥闌虛說扁舟尋舊約更
無高會續餘歡名園漸入蕪城賦樂府新歌蜀道難深
色幾叢誰護惜鞋紅零落委春殘

哀揚州

我哀揚州商所恃在鹽筴豈料鹽法敝無術可調燮根本
賴窩引衣食資匣摺一旦盡去之廢紙空箱疊大樹已無
根焉得生枝葉始焉貿珠玉繼也貨箱篋擔石售書畫捆

載質衣褶食指千百計餉斷何人饁星散竄僮僕兩泣飢
婢妾空賸連雲屢處處零丁帖

殷商日以新疲商日以舊舊商日以貧新商日以富富商
日以肥貧商日以瘦貧商若黔婁富商若田竇官視商貧
富兩袒分左右貧者憎其生富者願其壽富商若驕子任
其驚且吼貧商若駭子加以冒且詬譬如一母兒愛憎異
長幼官亦豈本心中夜恒抱疚

哀商更哀民民恃商以濟商困不能避民更絕生計有師
無徒授有醫無病治庖人無饌烹縫人無衣製名園成荒
墟廣衢多空肆廢署蓬蒿長華屋門闌閉惟覺乞兒多縱
橫隨路斃煌煌天市垣揚一勝益二瓊花久不開嗟此富

嫗地

更哀揚州士書院課文章膏火久不給鑿壁無燈光更哀
揚州工製器森長廊貿易久無市破釜虛餽粃娥娥揚州
女中亦多姬姜恤嫠多不聞中夜啼秋霜濟濟揚州官中
豈無循良薪水久無資白晝希春陽無人不可哀觸目皆
羸羸悉數更難終使我心悲傷

貧商固可憫富商亦可哀岸商能制之鹽去課不回淮南
庇揚商羽檄如風雷楚北庇漢商積牘生塵埃朱札與墨
札緇郎喚不來尾大豈能掉空自矜毡毳桓寬解著論劉
晏工理財弊竇固應塞利源亦須開恤商勿徇商濟變須
通才

淮北收粟鹽價賤銷必暢淮南行六省地遠課多曠於此
稍變通立說可依傍近川俾食川江在彝陵上近粵俾食
粵湖隔洞庭漲近潞俾食潞境阻嵩洛壯彼此皆王土毋
庸生較量便民兼便商名實兩無誑樊川罪言罪中山謗
書謗我有芻蕘議未敢上時相

楊州五貞女詩

朱氏一人陳氏四人其三人則一家女兄弟也並
以奉母撫弟不嫁年皆垂暮貞孝之操里無間言
余爲言之當事請旌於

朝旣爲文以記之復爲此詩

邗江五貞女一一是蘭蓀矢志依慈母關心到弟昆他年

應表墓此日各旌門更以文章記曹碑或並論

文尼詩云別有華陽一洞天光風可許著先鞭梅前
桃後君須記雲際帆檣又一年敬和四首

洛下名園尺五天當年曾此試蒲鞭二分明月樓頭共回
首揚州已十年

叅透先天與後天何心更著祖生鞭蘭陔花發春無恙長
侍庭萱過百年

身外身同天外天麻姑何事與神鞭三生石上前緣在靜
歷人閒百八年

是處仙山好洞天雲中鸞鶴不須鞭人間儻有看花地一
處花開住一年

華陽隱居詩云結廬多半在深山身似孤雲野鶴閒
何日扶筇同躡屐拈花共證水潺潺敬和原韻

白雲深處卽仙山滿地松陰鶴夢閒有約玉爐三澗雪冷
泉亭畔聽潺潺

閉門何處不深山學道惟耽一味閒尙有塵緣銷未得靜
聽簾外雨潺潺

久思舊墓臥空山儘笑紅塵不解閒我亦年來閒不得江
南梅雨又潺潺

梅前桃後小重山且乞浮生半日閒萬樹有情生衆綠西
窗誰聽雨潺潺

桓安故事憶春山消盡凡心各自閒雙鬢簪花人似玉紅

樓隔雨聽潺潺

華陽問道詩

東王拜後拜西王同是蓬萊弟子行十海樓臺守龍虎九
天環珮下鸞皇金仙掌上凝甘露玉女身中發妙香貝葉
親傳無我相高燒紅燭照紅粧

賦罷雲都賦玉都游仙長枕拂珊瑚參來慧星明星斗勘
破丹房偃月爐天上求漿皆沆瀣海中釀酒是醍醐分明
龍女傳經後捧出光明大寶珠

畢竟金丹屬彼家丹田容易長黃芽三生石上中秋月七
女樓中徧地花二佛證禪同寶塔一帆渡海待靈槎莊嚴
莫誤天魔舞靜坐蒲團禮法華

教外原知有別傳金經無字恰通玄甚深法立應如是絕
大因緣豈偶然欲向庚方求妙藥須從乙氣覓先天聞來
更讀長春記悟微靈根總是蓮

寄四貞吳門

我豈連文鳳君真吳彩鸞須知兩玉局原是一金丹偕隱
期陶谷同心證魏壇前緣何處證十二碧闌干

麗貞管守性

虎邱山下路爾是舊花神須識三生夢都緣一笑因終期
游碧落且莫厭紅塵他日穠芳苑相攜共好春

婉貞薛守靜

鬱嬪原少女羅郁是仙才鍊網絲千縷金莖露一杯赤藕
雙綬合紅淚幾函開故事桓安好青鸞早晚來

秀貞文守中

吳女依坤母言歸惜未歸蘼蕪銷蕊佩芍藥謝雲衣桃實

驚嗟老桐枯鳳苦饑生平懷舊意結念總依依

和坤貞蔣守

熊生小純以嵩隱子註黃庭經見貽乞詩

知是金書與玉篇

一名太帝金書又名金華玉篇

此中口訣問誰宣也如

道德箋蘇轍不減陰符注李筌嗟我衰齡踐初地喜君早
歲證先天香壇同侍華陽席更與人元妙諦傳

和作

熊守敬

小純

參同契與悟真篇妙義重重秘不宣丹訣幾人識鉛汞
元言誰解證蹄筌理原太極歸無極氣本先天化後天
禮罷瑤壇侍函丈更勞圭旨示心傳

敬題貞白先生畫像仙

舊像爲乾隆中晉陵曹琪寫山左田君得之假歸

重摹一幀襄池供奉既爲像贊復爲此詩

挂冠曾記永明年學道華陽古洞天晉代高風餘隱逸茆
家福地住神仙三層樓上煙霞契萬卷書中翰墨緣勝力
菩提親授記應知夙世早通禪

一編眞誥誦清芬老向空山臥白雲世外交游梁武帝山
中經籍魏元君醫方定可增元化書法還應過右軍記兩
天人執爐送一生仙骨異香熏

積金澗畔郭干池玉樹芳蘭尚幾枝

句曲有先生
手植玉蘭

夢裏當

年勞贈藥盤中昨夜感貽詩親承楊許箋黃素教與桓安
詠赤襴三載香壇親問道星堂霞閣是吾師

疎眉朗玉氣清虛炯炯方瞳識隱居靈跡原同誌公傳

南史

與寶誌
合傳

神仙如讀葛洪書

先生十歲讀葛洪神仙傳便有養生之志

隔江招鶴

碑陰在待月吹鷺管韻徐便欲移家陶谷住六朝松樹尙
扶疎

大羅天仙乩筆畫龍歌

通元閣有覘筆畫龍尾一幀筆墨奇肆欸署乾隆
十五年庚戌仲冬上浣唐顯化大羅天仙乩筆禱
雨奇驗蒔秧屆期農民望澤供奉請雨獲觀賦此
不見龍頭見龍尾掉尾潏然水雲起毫端潑墨如潑雲紙
上湧雲兼湧水大羅天仙畫筆奇雲中見慣鱗之而唐朝
顯化至今逾千載此畫乃是乾隆庚戌之所爲仙人最是
唐朝衆遊戲金鑾樓玉洞召龍行雨古潭深飛瀑橫空下

懸甕秧田綠滿交平疇梅雨不降農民愁仙翁有敕如律
令速沛甘霖潤此州轉瞬天西黑雲黑雨勢欲來雲勢急
畫中龍尾態蜿蜒滿紙黑雲如雨濕雲氣蒼茫接杳冥須
知妙畫自通靈有人夜禮餐霞閣正誦雲輪請雨經

洪濟真人禱雨詩

真人明長洲高青邱先生也余子婦汪端以先生
品端學粹遭逢暴主橫見摧折其詩文又爲後人
妄肆評論將五百載旣爲明詩選初二集以正之
復爲造像受籙供奉瑤潭精舍並誦大洞玉章經
十萬八千卷以識嚮往翌日先生降於某氏壇言
南宮效職今擢九天洪濟明德真圓真人書至邗

上適禱雨未應同人以洛書九宮法及大洞玉章
經符籙疏請禱雨禳疫三日甘霖大沛民困以蘇
既爲文以紀之復爲此詩

黃梅已過曾無雨多少民田未插秧須識甘霖屯廣野都
緣戾氣鬱中央誠能動物先天篆道可通神一瓣香畢竟
導和先化疹好從參贊驗陰陽

日光漸向雲中墮雨勢遙從海上來四野人情蘇病骨萬
家田土潤枯荑周官變理斯爲理大學生財此是財不乞
仙翁施妙法空嗟雲漢仰昭回

道家原有南宮法此法分明卽洛書人與天通資化育數
從理出驗乘除香壇符籙周行示寒殿衣冠禹步徐讀罷

皇經還讀易靜叅太極悟真如

龍漢沉沉五百年謫仙畢竟是真仙
春回到處花盈樹雲過依然月滿天
才秀三吳畱像在名魁四傑以詩傳
歸舟計日盤溪泊頂禮瑤潭玉座前

喜聞楚南底定賦呈厚山宮保

聖主如天萬物春

東坡句

生成自外爾何人竟思螳臂當橫

轍甘抱牛衣臥積薪

盛世兵戈卽干羽元戎韜略在經綸
占星幾度淮南月極目煙江白錦鱗

鳥驛宵同羽檄飛虹旗曉見捷書馳
負嶠縱逆三旬命掃穴無煩六月師
諸將合圍乘勝勢重臣親至有機宜

禧尙書珣

將軍奉
命視師

九重早定擒渠策
蠡爾苗頑知未知

密旨命誘之出山
聚而殲之卒以成功

由來經世賴名儒
籌策深沉秉

廟謨聲望高於衡嶽頂襟懷寬似洞庭湖
玉關舊跡留軍壘銅柱新銘起壯圖
從此西南銷伏莽循良更望化覃敷
一片丹心耿玉繩清輝更澈玉壺冰
舊從虎觀知班固新向龍門識李膺
黃鶴高樓秋壓蘆青鸞小閣夜燃燈
洗兵喜爲甘霖頌野老詩篇和少陵

瓜州夜泊

江雨洗江月清輝涼意生
娟娟楊柳樹風露憶蕪城
遠角三更戍殘鐘一葉舟
兩三星火裏今夕宿瓜洲

聞英吉利國夷船泊吳淞江口求市書寄當事

聞說吳淞口夷船遠道來思將速死藥盡耗衆生財來意當是

求售煙南北諸軍府東西兩礮臺所宜防間諜莫使鴆爲

媒

舶趁乘風至帆檣百丈餘遠勞籌筆驛去草嚇蠻書海國

經龍伯疇人譯象胥 皇心重柔遠宣諭要安舒

有客珠江至夷情說頗詳但期通貿易並不擾邊疆寶樹

尊天后銅機避佛郎祇須加撫卹無事苦周防粵東澳門地

西洋所賃歲納地租五百金他國欲居者就大西

英吉利每年船貨數倍大西洋而賃地轉受制積不能平

故欲另求市地又其強也以火器而其法實得之佛郎西

故他小國皆僑服獨佛郎西藐之雖以兵自衛亦未嘗不

欲避之其來也貨多概少距本國三萬餘里糧食仰給中

國故不敢滋事止須以國家威德及舊章曉諭之令其

仍歸澳門
卽無事也

琅環當日事翦燭話瀛舟方略諮三鎮圖經訂十洲澳門
春樹暗臺海暮雲秋極目雙江閣何人借箸籌

書鵲丹說後

取南瓜根藤花葉實滌淨搗爛取汁或翦藤漚其
汁飲之治鴉片煙癮神效名曰鵲丹其方與鴉片
方均傳自倭國蓋白倭受黑倭之侮誠感神降示
以鴉片方因滅黑倭太乙憫鴉片之流毒無已也
示此方以解之此記不知何人所作友人得自洋
估爲題一詩載之拙集以備治癮者一助焉

鴉片古所無流毒到奴隸溺者十七八悔亦間一二雖悔

不可追多緣無藥治何人爲此說其事甚平易維南方在
離萬物乘陽位種瓜定得瓜老農所恒植取彼花與葉兼
及根與蒂搗以石杵臼厥數不須計取汁以代飲清甘殊
有味能使積蠱出兼滌腸胃滯曾有生服者一勺救垂斃
孽海儻回頭神丹應不替並勸沉溺者何不一試惟鵲
能送喜和聲化乖戾太乙大慈悲是爲青華帝東極卽南
海仙靈參佛慧人身甚難得所恃神與氣未必遂長生何
苦令短逝我更作此詩苦心告當世

瑤潭禮洪濟真人像

挂冠久已乞歸田林木無端禍蔓延主暴原知難避劫功
成畢竟許昇天跡畱吳苑停雲地靈紀韓江禱雨年營得

瑤潭香火地玉清贊化有前緣

靈開西閣叩靈芬來奉心香一瓣焚姓氏舊書文苑傳頭
銜新署武夷君金陵城闕埋秋草玉局樓臺隔暮雲我亦
兩宮司校籍絳霄鸞鶴自爲羣

湯雨生 貽汾 都督過訪卽送入都

漢家才子羽林郎錦帶吳鉤玉具褰堂上傳經絳紗幔燈
前賭酒紫羅囊閒來畫障畱軍府晚去詩情出射堂宣室
定承

前席問春風細柳作甘棠

雨生以令祖緯堂大令 大奎 炙硯瑣談尊甫楚儒太

學 荀業 與竹居詩稿屬題大令官鳳山死林爽文之

難太學同日殉父余近讀道德性命之書深信忠孝
神仙之理敬題一詩以識嚮往

爲臣當死忠爲子當死孝非獨名義存況有文采耀大忠
必成神大孝必成仙此義亘今古此理通人天昔聞武進
湯海內名父子海外同殉節姓名重 國史瑣譚與棄稿
流傳一卷書中有忠孝心浩氣凌清虛君侯忠孝裔當世
之人傑相見屬題詩太息三年碧學道謝文字重畱翰墨
緣神光與仙骨耿耿證星躔

雨生又乞題太夫人斷釵吟

百年綦縞伴蒿簪憔悴哀音寄短吟白燕化來悲怨烏紫
鸞歸去泣冤禽滇池空憶天涯遠

太夫人幼從父官
滇釵爲尊人所賜臺海

難填別恨深話到梅花深院月孤兒賸有淚盈襟

桃南居民盜決河隄黃水全注洪湖高堰勢極危險

有懷芥航河帥

桃源南岸土膏疏底事狂生袒臂呼其地未嘗無戍堡此
中或者有鹽徒也知下注終歸海可奈全河已入湖
離患未除增水患古來籌國少良謨

星使輶車昨已過

尙書穆公奉命視河

宣防籌策問如何纂來方

畧先行水借到前籌要伏波直北糧艘應返棹粵南諸將
尙橫戈援琴一鼓龜山操搔首還勞感斧柯

文丞相鋏如意歌爲西湖僧六舟賦

有字曰聖瑞文天祥製

六舟上人示我鋏如意云是宋文丞相之所遺公名宋瑞

此乃作聖瑞應是彼先此後無事疑傳疑

宋瑞公登第時小名鑄此應在

通籍後則更名聖瑞在後也

趙家南渡已殘局江山半壁空支持奸臣

如意忠臣不如意馴至衰晚束手無可爲公生南渡已季

世毀家紆難天荒地老心傷悲老母愛子流落不相顧更

有環娘柳娘生小雙蛾眉君不見竹垞集中詠公硯淚痕

墨瀋空淋漓又不見樊榭集中詠公琴天風海濤激盪冰

絃絲矧此忠肝義膽所鎔鑄千鍾百鍊扶綱維九州鑄錯

獨此鑄未錯正氣所結終感風雷馳不數西臺汐社三尺

竹山石擊碎歌此朱鳥招魂辭長虹浩氣上貫斗杓燭霄

漢大忠成神亦如大孝成仙此理天人知

大忠成仁大孝成仙道書所言

天地正理蓋凡脩真者必立三千行入百功忠孝大節後

一可賅萬如公之從容就義較之慷慨捐軀者倍難也

來更有趙忠毅張鰲春手鑄出星參差一例付與詩人詩
岳忠武王名印歌

印方徑寸鑄王姓名吳江王硯農所藏趙竹樓以
印文見貽乞詩

岳王之書吾所錄岳王之詩吾所讀王有名印今見之兩
字朱文一方玉乾坤不做王之忠河山如故王之功王心
寓物不畱物精氣煜煜騰長虹棲霞嶺上好雲樹我在岳
王墳畔住得閒還上翠微亭更吟潭水松風句

聞琅環師新拜協揆之

命喜而有作書寄滇南

天人變理待儒宗未許餐霞侶赤松屬國爭傳相司馬高

樓曾許臥元龍拓來周鼎文原古賦到唐梅味正濃知戀

君恩夢闔闔綵雲遙隔禁城鐘

仍舊雲貴總督之任故云

楚獠甫平粵獠繼起蔓延豕突厥勢頗張禮尚書珣

將軍籌畫方畧勦撫兼施未及匝月悉底蕩平聞

捷誌喜

楚獠纔見靖風霾百粵俄聞起八排方畧

帝知趙充國威名人識李臨淮康侯

恩寵承三接千羽從容舞兩階極目九疑山翠裏他年元

結與摩厓

輓袁沖之

塘客

傳來消息最潸然知己偏慳一面緣御李攀嵇千里外圖

僑遣札十年前豈知小病成長往轉令衰齡哭少年我欲
識君無覓處試憑殘墨寫哀絃

顧安庵畫具區煙月障子歌並柬葉甥調生

東山突兀西山蒼湖風澹蕩湖波涼萬峯倒影入湖底皓
月冷浸湖中央一舟中夜凌空碧碾破湖心月華白月華
照見舟中人疑是當年五湖客五湖客去不復還吳宮寂
寞蘇臺間一繩遠雁下寒渚使人聽此凋朱顏萬樹塵風
咎天籟疑有仙人過雲外片帆如鶴掠山行七十二峯墮
煙靄一峯遠黛橫空濛知是西山縹緲峯洞天福地古林
屋其下卽是龍威宮我昨夜過道士泐武穴龍坪隱寒綠
江月何如湖月閒况有青山好林麓林麓迴環繞白沙碧

螺峯下女兒家何年畫裏來相訪
鏡鏡吹雲趁月斜

得竹嶼武昌書並讀江漢宜防近作感題二律

江隄應不減河隄爲有三源遠在西
江有三源一金沙江一岷江一鴉龍江

漢水東流千里遠
漢水至漢陽入江湖波南下萬灘底洞庭湖至

征車屢向空林駐籌筆頻從野店題
歷盡風霜兼雨雪苦

無長策慰蒸黎

惆悵關山感斧柯狂瀾隻手障如何
年年魚上田廬少處

處鴻飛道路多
鍾祥京山荆門潛江天門漢川沔陽七州縣積潦未消今十年矣民力豈

能重築堰
自江陵萬城隄外餘皆民堰歲脩無計與填波
勞臣盡瘁

天應鑒朕有丹心耿不磨

潘星齋敘庭兄弟以尊甫芝軒尙書兩漢循吏詩見

寄奉答二首並柬令兄功甫舍人

冢宰司邦本星垣列上台勤求今吏治尙論古人材資格
郎官職鈞衡宰相才尺書勞遠寄此意卽鹽梅

二潘今二宋聲譽滿京華禁苑梧桐樹芳園桃李花交游

多古意著錄各名家深喜元方好明農願更耆

謂區田義倉諸事

以法祭酒

式善

梧門詩話稿本寄星齋敘庭兄弟京

師有序

此稿凡十六卷多乾隆嘉慶兩朝文獻鄙人曩在
京師曾與編纂之役祭酒清宦無力付梓以屬屠
君琴鵬攜至江左屠君旋以病廢因以屬余今余
將歸耕西溪不及再爲料理因屬朱君酉生攜交

兩君春明壇玷人海多賢得付手民亦藝林盛事
也侑之以詩

祭酒當年有盛名一編詩話集羣英儘多湖海流傳句兼

有承平雅頌聲

熙朝雅頌祭酒所輯詩話中所採爲多

講舍花開春晝永

禁城鐘定月華清西涯煙水人何處惆悵驛壇舊主盟

殘軸飄零閱歲年名塲往事感秋煙藝芸賴有長恩守飽
蠹幾同脈望仙敬禮定文增我媿桓譚著論倩誰傳詩龕
寂寞潛園逝重展遺編一泫然

多君兄弟好聲華各有新吟擅碧紗銷夏分題仙苑樹詠
春同看 上林花相期著錄尊前輩畢竟人才出大家翰
墨因緣文字契千秋高誼盼雲霞

呼猿洞主詩云慈母孤孫兩代愁一枝筆寫楚天秋
人生自有生人事事了生人已白頭妙將清淨入禪
關樂事從今轉笑顏開到木樨香裏過小山秋在碧
雲間寶劒霜鋒秋水寒風塵拔出慨艱難願將歐冶
洪爐火鍊得珠圓一粒丹敬和

許散愁偕趙解愁偶從人世閱春秋年來慣聽生公法頑
石於今漸點頭

山花紅壓舊柴關寒瀑聲中洗醉顏他日冷泉亭畔住春
淙一曲屋三間

葫蘆非暖亦非寒解坐蒲團事不難滿地蓮花滿天月中
間一粒是金丹

天竺國夷船至上海求市

遠道求通市西來此賈胡云從天竺國親歷地毯圖詭秘
誇珍貝輝煌到舳舻祇須宣尺一不用下軍符

銅鼓

漢將平蠻鑄銅鼓前有伏波後諸葛其製輪廓其中空其
質斑駁其文活以置溪坳響急流用助軍聲混鵝鴨苗民
寶此若鐘簾和以蘆笙喧伏膺錦裙兒女彈花鬢闌干親
叩銀釵拔好事蒐求重吉金海內流傳十七八河隄謁者
得其一遠置焦山之古刹以配周漢兩寶鼎寶氣騰輝欲
排闥諸天得此大歡喜四大金剛八菩薩會賦長篇屬我
和寄遠頻緘八行札阿連得此自何所知是巧偷與豪奪

雲雷宛轉萼跼踟不惜椎墮手親搗惜無欵識與銘詞歐
趙何從証題跋以爲燎器索鬼神居祀中雷行祀輒羣蠻
盤瓠之苗裔其氣猖狂其性黠楚之江華粵連州今歲屢
爲諸夏猾六月王師入瘴鄉弓矢遠勞元老撻山深箐
密終掃穴殪盡天狼通箭箬此鼓不知得幾許爭向九嶷
深澗掘我有古鐸富追蠡得自巫山神女峽叩之清越聲
以長疑有潛虬遠相答以作焚香偃月爐佛煙聚處都成
塔妙想何人運匠心靈開弟子吾摩鉢古聲古色發古香
延津劒氣神龍合更鐫樂石紀年歲碑版書成郭香察

黛湖漁隱篇爲朱酉生作

黛湖之水碧於黛白蘋風細羅紋碎山翠可畫不可名倒

浸蒼煙澹多態君家茆屋鄰漁墩松楸一徑通柴門花落
棠梨作寒食頻有鷗鷺窺清尊畫中雲木疎煙裏靜聽滄
浪漁笛起非漁非隱桑苧翁亦漁亦隱元眞子我家古錢
塘生平慕漁隱惜少二頃田習靜觀朝槿臯亭之桃河渚
梅老樹多傍漁莊栽春風一夜湖上來梅花開後桃花開
湖波澹冶湖天曉泛宅浮家可終老偷閒來訪小交蘆
庵在錢塘西溪君所居名小交蘆館除卻神仙漁隱好

聞臺灣警書事

西域煙銷萬里城楚江平後粵疆平如何海島安耕鑿轉
向潢池弄甲兵西嶼潮迴新戍壘南臺雲擁舊軍營水犀
諸將何人在莫使樓船畫角驚

城逼長圍敵勢驕羽書四出集征軺詰朝滅賊猶嫌晚萬
里徵兵覺太遙蚍蜉亂厓封暮雪鹿門高岸待春潮戈船
儘有雄師在何不銅符下絳霄

間調秦豫
黔蜀兵

伏波下瀨舊軍壇籌筆高城擁暮寒羽檄星馳催轉餉征
笳雲集急傳餐驚心刁斗量沙苦指掌輿圖聚米難記否
當年談海運幾人報國奉心肝

聞撥江浙海
運米十萬石

弓刀舊自河源返旗鼓新從嶺嶠回將略素嫻兵易壯威
聲所播敵先摧白螺壓浪千花捧青雀排雲萬櫓開聞道
貂蟬好風采丹青早晚畫雲臺

瑚松額哈朗阿兩將軍
率侍衛巴圖魯往征

對雪感事

臘雪於今第幾番玉樓銀海勢漫漫眞如柳絮因風起深

恐梅花徹骨寒掃徑何人邀蔣詡閉門祇合臥袁安側聞

下瀨諸軍過惆悵江湖行路難

征兵方過
吳門故云

寒夜讀瀛舟筆談有懷雲壺協揆師滇中

西冷東閣雨瀛舟曾爲談兵翦燭籌戰艦乘潮雲日麗戈
船下瀨海天秋軍壇書檄多名筆吟館壺觴感俊游三十
年來塵夢杳煙波留得幾閒鷗

極目滇雲萬里遙近聞入

覲擁星輅

帝開黃閣遲元老臣矢丹心翊

聖朝籌海經綸迴地軸洗兵霖雨酌天瓢少陵一掬蒼生

淚祇願烽煙早晚銷

聞方入
覲故云

望捷

無端烽火徹澎臺也是脩羅小劫灰烏合本無經久計龍
驤應有出羣才禹干莫惜三旬舞湯網終期一面開掃穴
不難難化俗牧民御衆好儲材聞因撫馭失宜而起故云
首逆至十餘人烏合可知
殲厥渠魁脅從罔治古
有明訓兵家之要也

立春後又雪感賦

三白於今幾倍過六花依舊舞婆娑也知春色雲霄早何
事殘年雨雪多滄海樓船方轉餉關山甲士尙橫戈太平
又值朝元日喜氣惟應聽凱歌

聞捷

捷書深喜達

神京久遠還應計太平變理首宜求吏治撫綏終要近人情間閭氣爲農桑靖倫紀恩從教化生歷代循良佳傳在杏花煙雨勸春耕

外孫葉道芬十四齡解作壁窠書詩以獎之

我年如汝纔臨帖汝竟公然作壁窠活潑分明魚在藻飛騰彷彿鳳銜梭澹粧環視圍諸母醉眼橫看笑阿婆贈汝彩毫貽汝硯他年宅相問如何

得邗上書西湖醉翁詩云桑麻不種種胡麻鋤得閒田競點鴉茆屋有人閒畫境蓬萊無語坐僧伽汞鉛自是無他解嬰姤何由問彼家道德五千讀老子更須秋水問南華二分明月廣陵城梵宇鐘鳴又磬鳴

但得入山常習靜未妨出世淡求名不因彭澤甘腰
折若爲崆峒合膝行願道可曾滋味永還須著意在
同聲敬爲和之

瓣香遙寄折疏麻極目斜陽楚樹鴉靈藥何人贈優鉢妙
音隨處聽頻伽應知竺國金仙界卽在天台玉女家解說
葫蘆置深水綠華丹訣似凌華

年來蕭瑟感蕪城雨葉風枝作意鳴出世未能聊入世逃
名不暇况求名所冀芝朮隨身種可許蓬萊撒手行玉局
當年舊儔侶宵分閒聽步虛聲

濟祖墓塔在大慈山定慧巖下久已迷失乾隆中梁
薌林相國購得其地將營宅兆發土得浮圖考其年

月證以淨慈寺志知爲公墓因加修葺相國子山舟
太史並爲立碑今年春妙香同人以謁岳祠至湖上
訪得之議爲重修過吳門相告因賦此詩並寄南屏

松光上人

諸君曾自武林還又訪遺墳向此間瓔珞藤蘿小精舍袈
裟松檜大慈山龕前白石僧留骨塔上黃金佛鑄顏記酌
虎跑泉味好鬢絲禪榻共蕭閒

百年碑石已生苔未酌空山酒一杯何異積金通地肺遠
勞飛貝下天台

師與陶貞白師同主
香壇頻有示貝之異

慈悲屢拯三塗苦廣

大頻銷四劫災許我香壇親問道拈花還與供蓮臺

道中圭旨問誰知教與桓安詠赤牒脩到紫金無量壽

師爲

紫金無量壽
沸化身

度他碧玉有情癡白猿臥處松千尺黃鶴吹來

筵一枝經色界天忘色相紅塵遊戲是吾師

濟公原是西湖佛老向西湖署醉翁

師墨鸞署款自稱西湖醉翁或書顛翁或

書呼猿洞主

屢示靈蹤雙寺裏

靈隱淨慈

向餘孤塔萬山中三千界

合譚因果二百壇開證色空

海內一百八十三壇師皆主之即觀音度盡衆生之意

寄語南屏老尊宿墓門休忘定巖東

通靈閣雁字詩六十首相傳爲

呂祖鸞筆一夕而

成空雪曠逸語語化工非人間筆墨也敬和四章

是否仙家碧落碑分明天篆與題詩直鋪地軸爲箋紙更
點滄江作墨池霞綯晚霄開絳帖煙澄霽景上青詞闔風
有客閒相語天上人間筆一枝

天然標格是蕭疎，掃盡人間萬墨豬。
銀漢儼如斜界紙，紫霄原有上清書。
傳來丹訣通靈寶，寫出黃庭唱步虛。
曾記岳陽樓上望，迴峯東下指匡廬。

庖犧一畫悟先天，旋轉中函太極圓。
文字解參中乘法，詩情應和大游仙。
采鸞寫韻畱蹤跡，黃鶴題詩歷歲年。
多少樓頭小兒女，空將錦字寫霞牋。

幾輩修書近桂宮，金壺墨汁灑天風。
格如王母簪花麗體，較仙郎起草工。
上界飛騰招舞鶴，下方游戲見驚鴻。
玉皇香案前緣在，丹詔何年下碧空。

碧城仙籙詩

眞籙殷勤造葢寰，頭銜竟許換神仙。
紫微近向瑤壇署，丹

詰新從絳闕宣別院重開羣玉府前生原住蕊珠天祇因
未了浮生事嘯傲煙霞更幾年

上清天篆識蟲魚九節旌幢入景輿玉女導前鸞捧詔金
童侍側鶴銜書近從梅島傳心印曾向華陽拜隱居畢竟
靈開依斗極龜臺獅子座奉清虛

一樣修書玉局人也同遷謫下紅塵敢云葛鮑爲前世或
者劉樊是後身此日金庭同受籙

道籙爲神霄玉府兩宮校籍紫微內翰性籙爲

靈開宮輔真元女並守紫微內殿

何年絳節共朝真瑤清舊有前緣在花

部穠芳總好春

碧城仙夢舊人家不隔青天只隔霞靈鷲淵源雲有路采
鸞身世玉無瑕妙香互證三生石智果齊開兩樹花許掾

全家都入道一編真誥最風華

編三十卷詩成書後

敢向騷壇說主盟也非處士盜虛聲百年歲月存蹤跡四海交游記姓名鍊就金丹勞九轉修來玉局證三生拈毫儘作人間語未免微雲滓太清

此境周旋四十年分明瞥眼過雲煙山林鐘鼎何非幻兒女英雄總是禪初境曾參辟支果忘言已謝辨才天且銷梨棗雕蟲劫莫更虛名萬口傳

棲心元素託煙霞一卷丹經萼綠華老衲瘦繡枯貝葉謫仙冷證妙蓮花任他逸品還神品不辨名家與大家十二萬年盤古後恒河留得幾塵沙

幾度焚香說戒詩無端棖觸寫相思也知秋燕原如客畢
竟春蠶尙有絲文字障空無色界聲聞緣覺有情癡從今
面壁空山去佛慧仙靈總我師

余學詩逾四十年所作幾及萬首近證道緣兼參禪覺
知雕肝劇腎徒有損於身心弄月吟風實無關於性命
爰卽生平所作編成三十卷約四千三百餘首卽以告
止非云戒詩聊以此爲人天分界於李杜白蘇外另成
局面後此間有所作付之過眼煙雲不復存矣道光壬
辰除夕華胥子識

跋

雲伯先生碧城僊館詩鈔萬牒綺合一襲香隼龍文異輝
鳳髓與采固已流華聞於紫宙熙麗景於墨林闕十二載
復刊頤道堂詩約其合作博成總集古程獨契唐涂斯開
溢金調高截玉辭粹買春繡骨致爲芳堅疊瀾鏡心自然
演刮標爽氣而鶴立得寶義而鯨舉泊乎八珍之味豐穀
主之五章之衣典綵治之或謂南朝盛藻遠姚總持西崑
播華厥祖商隱可以彈毫絢簡耀姿雕章何爲中途意輟
遷越不知幽人結宅蹊逕屢換名將立陳刁斗一新質繪
相宜宮徵遞嬗惟博惟厚愈唱愈高有當鍾嶸之品評無
遜蕭顯之論列或又疑冰壺才鈍銅鉢思銷明遠文通疇

曩所憾是則杜甫律細乃知味腴庾信文成豈云詞瘁韻
諧所以泉注格壯于焉霄崢非揚子之自悔實史公之益
肆也夫出風入雅旨原稟經轍古申今跡可証史

先生九能夙貫五際逮通清源導情洪輝達詰宸繡之德
尙蹈中和鼎烹之美已還正始加以中歲哀樂宦途况瘁
白傅江州之篇元結春陵之唱序事煒麗托興微眇瓊吐
珠零有足貴矣故楹冬蟄陳樽宵溫與客論詩相爲齷測
所存論難倘昧指歸退而書之敬以相質華亭後學姜皋
拜跋

自然好學齋詩說

頤道堂集中少作宗法昌谷玉溪飛卿自以團扇篇受知
琅嬛後專學梅村祭酒旁及迦陵漢槎絕艷驚才照耀海
內中年從蕭樊村言以理爲主出入杜韓白蘇一變而爲
渾厚博大丙子春病中有悟兼取環花之論涉獵於王孟
韋柳及大厯諸家尤嗜岑嘉州許丁卯於今人嗜舒鐵雲
邵夢餘再變而爲明秀澹遠近年之詩曠逸超妙得之太
白整鍊沉鬱叅之少陵不求合於古而自無不合不炫奇
於今而自無不奇所謂老去漸於詩律細此其全集大概
也

頤道五古發源漢魏而以漢魏入諸家不以諸家入漢魏

故得其神而遺其迹前後擬古樂府綺思艷色深入六朝
若南橋浚河桑連理館江上勘災河渠海運贈潘功甫義
莊區田本草諸詩則少陵之沉鬱也月夜望九峯送茶農
歸西湖中秋江上玩月泊舟潯陽望香爐峯雲氣則太白
之曠逸也長城百韻碧霞元君夏內史集澗山天柱峯慕
李軒則昌黎之排莽也芼衣篇羅官米開城河讀 詔諸
篇則次山春陵行香山秦中吟之遺音也慕山範水則又
王韋合作也中雖屢變要不出此範圍矣

七古以華瞻勝者指不勝屈早年之作惟廊湛若抱琴圖
羅浮道士古琴歌金粟道人像讀吳梅村詩集沈雲英墓
志宮人斜宋宮人餞汪水雲處縐雲石歌諸篇爲長慶體

中最謹嚴者迴環清脆妙於消納非他手所能其後所作如聽彈玉樹後庭花曲龍么妹歌林天素畫蘆雁琴河蕊宮花史夕陽簫鼓曲江上放鷗青溪水榭聽霓裳羽衣曲夢陶隱居南屏孫太初故居黃鶴仙人歌空靈超妙一變長慶面目讀頤道詩者宜從此等處著眼

七古學杜易學李難杜有蹊逕李無蹤跡也頤道學太白詩如琴河道中對月宋返魂梅玉樹堂聽琵琶康山觀鶴舞落星岡讀太白集書後巫山高巫山枕障題陶園集桃花漁隱花海仙人飲酒諸篇深得太白用筆之妙蓋頤道於太白詩用功最深有精選百餘篇於無蹤跡處尋出蹤跡故起處超妙接處豪宕轉處曠逸結處縹緲也學太白

者宜知之

頤道長篇以表章忠孝爲主如淮陰將臺石諸葛武侯石
琴于忠肅楷書天問諸篇沉鬱蒼涼足奪古人之席明末
諸忠尤詳如陽羨盧忠烈墓西湖張忠烈墓江陰閻忠烈
祠桂林畱守行代州周忠烈墓眞州黃忠桓墓雲間陳忠
裕墓史忠正集左忠貞集沉鬱激楚全力爲之蔣趙洪黃
皆當退避三舍

頤道五律有三體一氣旋轉超妙空靈者遠師太白近法
翁山典雅清麗者遠宗右丞隨州近法愚山樊榭感慨沉
鬱者遠學杜陵近仿梅村其中警句見與蕭樊村論詩書
茲不具載

頤道七律初學梅村旁及虞山唐人申好玉溪丁卯近人
則兼取鐵雲夢餘所長要當以和船山寶雞驛題壁十八
首庚辰秋懷十六首玉如畫樓四首玉連環室夜話四首
秦淮話舊四首爲最佳若西泠仙詠五十首西泠閨詠五
百首西泠懷古懷舊各三百首秣陵集中二百首釀花成
蜜巧奪化工尤爲鉅觀其中佳句詳管夫人碧城摘句圖
及與程蕪薌論詩書中茲亦不贅

頤道才人故絕句集中多不存間錄一二遠韻遠神不減
旗亭之唱寫景澹逸亦可伯仲松壺也

序

豫始識君於阮雲臺先生琅嬛仙館蕭閒曠逸飄然有凌雲之氣先生爲言君詠團扇詩事奪標抽簪宋延清昆明應制劉隨州金陵懷古不是過也閱數年讀君碧城仙館詩宮商互諧金采交錯紀事諸作上溯長慶近匹婁東沈博絕麗兼以流轉徐摛宮體李白仙才海內才人無與爲儷又數年君試吏江南僑寓吳門豫往來江浙恒得相見君詩境屢變詩格日進刊其所作爲頤道堂詩選以少作編爲外集加補遺焉又數年來宰邗江豫以部民公事外不妄晉謁竊聞輿人之誦考其行事乃知君學道有得與年俱進迥異乎俗吏之所爲也邗爲四達之衢冠蓋往來

無虛日前令日以迎送爲事終歲不理案牘積卷盈萬君
初至署聽事曰勤補拙儉養廉更無暇餽問送迎來往賓
朋須諒我讓化爭誠去僞敬以告父兄耆老教誨子弟各
成人凡案牘情節之輕者刊示曉諭勸其和息其非訊不
明者排日理之寓教化於聽斷之中若長風之掃翳而春
陽之消雪也不逾年而積牘以清敬刊

武英殿本

聖諭廣訓因公事至鄉僻處所輒攜數冊以給鄉塾子弟
勸其誦讀講解不以官法部勒邑故有講會廢已久因是
皆復並與舉焉鄰邑之民咸來請業風氣丕變辛巳夏疫
癘大作自閩粵達塞外南北數千里傳染甚徧遲頃刻

不治邇尤甚君乃考究方書捐千金治藥餌徧散村鎮全
活無算是歲大比以八千函貯金陵試院士無染者揚郡
文廟向藉鹽務修葺比以商力疲乏議歸地方制府孫公
檄估工將請
帑修之君以

國家經費有常他郡邑皆紳士捐修兩淮每歲無名之費
數十萬何獨於學校靳焉乃集諸大商議曰商人爲

國理鹽筴優以品秩商卽紳也孰無子弟讀書遊庠序者
人告難措辭宜捐修衆是之會東廡圯祭祀不能成禮籌
欸墊修數旬而畢商之義君之力也並建十二烈女祠於
學宮之左皆國初殉難者刊方苞厲鶚蔣衡文及祠堂記

於壁儀徵爲淮南引鹽出江之所內外百餘里年久不治
壅焉都轉錢公請以君攝淮南司馬治之三月而畢商民
交利瓜洲通江舊有大小二河對渡京口途遠多急湍風
汎不利輒壞船洲東故有舊河對渡祇三里唐潤州刺史
齊澣所開伊婁河故道也君言於制府孫公請

帑復之渡江者得免風濤之患田畝灌溉亦有所資民感
其惠名之曰陳公河並作詩以歌詠之比諸召伯之康范
公之隄焉舊有石橋歲久圯捐三千金修復之加高廣焉
取太白望松寥山安得五綵虹駕天作長橋詩意名之曰
綵虹橋洲之人登眺其上以爲名勝揚州舊有三賢祠祀
宋歐陽文忠公蘇文忠公洎

本朝王文簡公君以前郡守伊公秉綬守揚有惠政請於太府以配之顏曰四賢祠史忠正公衣冠墓在梅花嶺其前卽祠君以史公殉節揚州同時守土殉難者不乏人例得祔祀擬於堂後設栗主配享公齋以祠係

敕建祔祀例應奏請不果行乃爲文以記之道光元年

詔舉孝廉方正之士君擬以豫名及張君鏐卞君萃文應皆力辭不就旣又

詔舉山林隱逸會張君前卒君獨以豫名應迨豫聞力辭而名已上達乃乞以辭狀併達焉癸未夏江水驟漲海潮亦盛挾以風雨潰決隄岸淹沒田廬沿江百餘里悉成巨浸民露處洪流中不得棲食君以災黎待哺甚殷詳請撫

卹恐不及也捐資製粿米餅餌鹽豉購蘆蓆竹片親率子弟丁屬分乘小舟周行村落按戶給之孤洲斷港男婦欲出不得者命舟載送通衢給資俾其自投戚屬無歸者假僧寺尼菴分別居之給口糧以待賑病者給藥餌勸紳士富民助民築圩購米平糶或煮粥以賑並齋戒爲文禱於禹廟及江海神祠曰念小民之或忘帝力實出無知譬人予之偶拂親心定容悔過道路傳誦以爲名言並慮來年盛漲同於今歲也擬仿范文正公西溪海塘舊事沿江隄岸一例加高培厚業食佃力以工代賑其餘請賑勸捐諸事次第施行適尊甫汾川封君棄世君將扶輿南旋耆老洲民數千人走省會訴大府乞留辦賑以格於例不能

行也節相孫公批牘云陳尹賢能素著爾等乞留出自愛
戴之忱然父母之喪禮制謹嚴不能被格請留爾等旣知
感戴其惠更應體其哀痛迫切不能從事之情毋爲不情
之請也咸感泣歸江都聽事舊無頌政之額君將行一夕
而懸者四曰萬家生佛曰保衛民生曰仁垂利濟曰誠求
保赤並爲楹帖曰德鄰舊壤功懋新河念救饑拯溺恩深
真千載謝公繼起廉仰清風愛親冬日聽白叟黃童尸祝
望三年召父重來論者以爲無媿君以賑事未竟慮災民
失所中夜不寐新尹萬君荔昀君至好也乃手書辦災章
程交萬君曰中有未盡善者可問王君謂豫也並招豫至
署晤萬君曰以此相貽並以復輿留贈曰灾黎未安集君

不能不入城其乘此當安車矣君之行也士民傾城走送自郡城至瓜洲江口四十里夾道焚香不絕有相從渡江者父老觀歎以爲百年來所未有也君嘗遊焦山愛其幽寂乞隙地於山僧借菴窳築棲雲閣於漢隱菴西在真州訪宋返魂梅花於準提菴愛汪氏廢園湘靈峰之勝嘗獨遊坐卧其下其高致如此君宰他邑政績詳錢君松壺序中宰江都忠信慈惠實績在人耳目不媿循吏至其文采風流則循吏不足以盡也而浮沉濡滯曾無幾微介於胸次見於詩者益怡然曠然網羅舊聞表章前哲以興觀羣怨之旨寫溫柔敦厚之情不自知其日在風塵案牘中也豈非學道有得者歟周易山下有雷其象爲頤頤者養也

觀其所養養正則吉觀君所作者其行事殆真能以道自
養者歟君初至邗吳門潘榕皋先生書楹帖贈曰董仲舒
有儒者氣象歐陽修爲古文名家惟君克當之矣因并誌
之以爲之序

道光三年歲在癸未秋九月舉屏州農王豫序於焦山詩
徵閣